



КАНОНИК

В РАЗЛИЧНЫХ НУЖДАХ



Канон на Святой Троице
Канон на Гостинице
Канон на Св. Савве, Дуру
Канон Антония и Архимандрита
Канон на Кресте
Помощники на Псалтири на речном

Сборник

Канонник в различных нуждах

Православное издательство "Сатись"

2010

Сборник

Канонник в различных нуждах / Сборник — Православное
издательство "Сатись", 2010

ISBN 5-7373-0234-2

Этот сборник канонов – второе, исправленное и дополненное издание – предлагается для келейного (домашнего) употребления. Каноны, вошедшие в него, – о самых насущных духовных и житейских нуждах. Да услышит Всеблагий Господь наши молитвы.

ISBN 5-7373-0234-2

© Сборник, 2010
© Православное издательство
"Сатись", 2010

Содержание

Предисловие	6
Канон ко Святой Троице	7
Каноны ко Господу	10
Канон Рождеству Христову	10
Канон Обрезанию Господню	13
Канон Богоявлению	16
Канон Сретению Господню	19
Канон Входу Господню в Иерусалим	22
Канон в Неделю Святой Пасхи	25
Конец ознакомительного фрагмента.	27

Канонник в различных нуждах



*По благословию
Митрополита Санкт-Петербургского и Ладожского
ВЛАДИМИРА*

Этот сборник канонов – второе, исправленное и дополненное издание – предлагается для келейного (домашнего) употребления. Каноны, вошедшие в него, – о самых насущных духовных и житейских нуждах.

Да услышит Всеблагий Господь наши молитвы.

Предисловие



Благочестивые братья и сестры!

Для молитвенного предстояния Бóгу вам предлагается этот сборник канонов. Составлен он так, что вошедшие в него каноны отвечают самым насущным духовным и житейским запросам. Предназначен сборник для домашнего (келейного) употребления.

Для тех, кто только недавно обратился к молитвенному деланию, сообщаем некоторые необходимые сведения.

Итак, канон¹ является одной из древнейших форм церковных молитвословий и песнопений. Составление первых канонов относится к VII веку. Канон – целостное произведение, строго определенной структуры, состоящее из разных по форме молитвословий.

Канон является важной частью православного богослужения, он включается в службу утрени. Тропари праздничных канонов повествуют о празднуемом событии, раскрывают во всей глубине богословское значение каждого праздника, восхваляют Гóспода, Бóжию Мáтерь (Ей обычно посвящаются заключительные тропари канонов, которые поэтому называются *богородичными*). Именно канон наиболее полно и подробно раскрывает содержание праздника.

Канон состоит из девяти песней, по числу высших ангельских чинов. В начале каждой песни – **ирмос**. Ирмос – стих, содержащий прообразовательные слова Ветхого Завета и предваряющий **тропари** песни. Тропари – стихи, несущие главное содержание песни и соответствующие ирмосу.

Вторая песнь выражает особо напряженные и суровые обличения предательства и неблагодарности богоизбранного народа – израильтян (Моисеева песнь). Эта песнь поется только во время Великого Поста, в обычное же время опускается. Поэтому за первой песнью канона сразу следует третья.

К канонам также присоединяются **седальны** и **светильны**.

Седален – песнопение, во время которого верующим позволялось садиться.

Светилен – песнопение с мольбой о просвещении свыше.

В целом же канон есть особо выстроенное духовное воззвание молитвенника к Бóгу с прошением и благодарением. Должно сказать, что каноны издревле весьма и весьма почитались и использовались в молитвенной практике Вселенской Церкви и, в частности, Русской Православной Церкви.

Да услышит Всеблагий Госпóдь наше молитвенное приношение и да подаст нам все доброе и полезное.

¹ Слово «канон» в широком смысле означает правильность, верное следование закону.

Канон ко Святой Троице

На 50-й день после Пасхи

Глас 4-й

Песнь 1

Ирмос: Божественным покровен медленноязычный мраком, извитийствова Богописанный закон: тину бо отряс очесé умнаго, видит Сущаго, и научается Духа разуму, хваля Божественными пёсньми.

Припев: Пресвятая Троице Боже наш, слава Тебё².

Рекóша чистая и честная устá: разлучения вам не будет, о друзи! Аз бо на Отчем вышнем Престоле соседя, излию Духа, возсияти желáющим благодáть независтную. (*Дважды.*)

Слава: Предёл прешедшее истиннейшее Слово, тихообразно совершает сердце: дело бо скончав, возвесели други, дыханием нужным и огненными языки, подав Духа Христос, якоже обеща́ся.

И ныне: Предел прешедшее... (*Повторить предыдущий тропарь.*)

Песнь 3

Ирмос: Разверзе утробы нечадствовавшия узы, досаду же неудоботерпиму благочадствующия, едина молитва пророчицы древле Анны, носящия дух сокрушен, к Сильному и Богу разумов.

Непостижима есть Богоначальнейшая: вития бо изъяви безкнижныя, рыбаи премудрыя, заушающия словом, и от глубокия ноши изымающия люди безчисленны, блистанием Духа. (*Дважды.*)

Слава: Бяше исходен от нерожденна Света, всесильный сияющий Свет, Егóже Сыном Отеческия власти, ныне являет срасленное озарение, огненный глас в Сионе языком.

И ныне: Бяше исходен... (*Повторить предыдущий тропарь.*)

Седален, глас 8-й

Спасовы рачителие радости исполнишася, и дерзновение прияша, прежде боящиися: яко Дух Святыи днесъ свыше сниде на дом ученический, и ин иная глаголаше к людем. Языцы бо расзеяшася, видими яко огонь: и сих не опали, но пáче ороси.

Песнь 4

Ирмос: Царю царей, яковый от яковаго Един Слове произшедый от Отца безвиновнаго, равномошнаго Твоего Духа апостолом истинно послал еси, яко Благодетеля поющим: слава державе Твоей, Господи.

Баню Божественную пакибытия словом растворив, ссложенное естество, дождоточиши ми струю от нетленнопрободеннаго Твоего ребра, о Божий Слове, запечатлея теплотою Духа. (*Дважды.*)

² В канонах припев, как молитвенное воззвание, произносится перед первым и вторым (и третьим, когда он есть) тропарем каждой песни, но не читается перед тропарями, начинающимися со «Слава...» («Слава Отцу и Сыну и Святому Духу») и «И ныне...» («И ныне и присно, и во веки веков. Аминь»).

Слава: Прекланяют вся Утѣшителю колена, Сыну же Отчу, Отцу срасленному, в Лицех бо видеша трегубых Существо же истинное, неприкосновенное, безлетное, единое: возсия бо свет благодать Духа.

И ныне: Да исполнятся вси богоначальнейшим, елицы служителие Трисветлаго Существа: паче естества бо совершает яко Благодетель, и огнесветит Христос во спасение, всю дая благодать Духа.

Песнь 5

Ирмос: Решительное очищение грехов, огнедухновенную примите Духа росу, о чада светообразная церковная. Ныне от Сиона бо изыде закон, языкоогнеобразная Духа благодать.

Якоже благоволи самовластно, необладанный исходит Дух от Отца, умудряя в языцех апостолы, печатлея живоносное слово, отчесильное, сообразное, егоже Спас рече. *(Дважды.)*

Слава: Да исцелит убо смысл от греха, и се устраяше апостолов, Бог Слово Всеначальное, пречистый дом, в немже единомощнаго же и ссущественнаго ныне вселяет Духа свет.

И ныне: Да исцелит... *(Повторить предыдущий тропарь.)*

Песнь 6

Ирмос: Очищение нам Христѣ и спасение, Владыко, возсиял от Дѣвы, да яко пророка от зверя морскаго персей Иону, от тли исхитиши всего Адама всеродна падшаго.

Истинный нам правый во утробах вечно приимшим Дух, да обновиши Отчеисходный, и всесокупленно, вещества ненавистнаго палительный скверн, нечистоты же смыслов чистительный, Вседержителю. *(Дважды.)*

Слава: Желательное достояние апостолом, сионяном, чающим Твоего пришествия, познание, Дух Отчерожденна Слова, речь жестокою языческих ласкательств скоро показав, огнедохновенно утверждаеши.

И ныне: Желательное достояние... *(Повторить предыдущий тропарь.)*

Кондак, глас 8-й

Егда снизшед языки слия, разделяше языки Вышний: егда же огненные языки раздаяше, в соединении вся призва, и согласно славим Всесвятаго Духа.

Икос

Скорое и известное даждь утешение рабом Твоим, Иисусе, внегда унывати духом нашим, не разлучайся от душ наших в скорбех, не удаляйся от мыслей наших во обстояниях: но присно нас предвари. Приблизися нам, приблизися, везде Сый, якоже со апостолы Твоими всегда еси, сице и Тебѣ желающим соедини Себе, Щедре, да совокуплени Тебѣ поем, и славословим Всесвятаго Духа Твоего.

Песнь 7

Ирмос: Согласно возшуме органская песнь, почитати златосотворенный бездушный истукан: Утѣшителя же светоносная благодать почествует, еже вопити: Троице Единая, равнотельная, Безначальная, благословена еси.

Глаза пророковещательнаго не разумевше, глаголаху безумнии виносотворенное пьянство, речи яко странны слышаша апостолов: благочестивии же Тебѣ вопием божественно: Благодетелю всех благословен еси. *(Дважды.)*

Слава: Божественное учение возгреме видяй видения Божественнымъ Иоиль, Богоначальнейшаго, имже излию, рек, якоже Слова, Духа Моёго свозопиющим: Естество Тривещанное Светлое, благословён еси.

И ныне: Троичную убо раздели зря благодать, яко да явит три Ипостаси, почитати в простоте власти, но во едином ныне дни Господском, Сын, Отец и Дух благословён.

Песнь 8

Ирмос: Разрешает узы, и орошает пламень трисветлый Богоначалиа образ, поют отроцы, благословит же Единого Спаса и Вседетеля, яко Благодетеля, сотворенная всяческая тварь.

Память Христос человекоспасительных словес, яже от Отца слышав апостолом рече, Дух устроит языкоогненным видением, посаждая благословенно усвоенную, учуженная же поет Тя тварь. *(Дважды.)*

Слава: Спасительно самовладычный Един, Свет самосиятельный, и подательный света сый, пришел еси исполняя апостолы, Честный, яко верх Твоим рабом, насытительный же Дух подаваеши.

И ныне: Пояху пророк духонасыщенная уста, Твое телесное, о Царю, пришествие, и Дух, от недр Отчих произшедший, Несозданный, Зданнодетелен, сопрестолен Тебе, единого вочеловечения верным честь.

Песнь 9

Ирмос: Радуйся, Царице, матеродевственная славо: всяка бо удобообращательная благоголивая уста витийствовати не могут, Тебе пети достойно: изумевает же ум всяк Твое Рождество разумети. Темже Тя согласно славим.

Пети подобаше естественнोजизненную Отроковицу: Едина бо во чреве скры Слово, таящеся недугующаго человеческого естества. Иже в десных странах ныне седяй Отчих, посла Благодать Духа. *(Дважды.)*

Слава: Елицем дхну боготочная благодать, светящися, блистающе, изменяеми странным изменением благолепнейшим, равносильствующую несекомую уведевше премудрость, Трисветлое Существо славим.

И ныне: Елицем дхну... *(Повторить предыдущий тропарь.)*

Светилен

Всесвятый Душе, исходяй из Отца и Сына пришедый к бескнижным учеником, Тебе Бога познавших спаси и помилуй всех.

Слава, и ныне: Свет Отец, свет Слово, свет и Святый Дух, иже во языцех огненных апостолом послася, и тем весь мир просвещается Троицу почитати Святую.

Каноны ко Господу

Канон Рождеству Христову

25 декабря (7 января)

Глас 1-й

Песнь 1

Ирмос: Христос рождается, славите; Христос с небес, срящите; Христос на земли, возноситея. Пойте Господеви вся земля, и веселием воспойте людие, яко прославися.

Припев: Слава, Господи, Святому Рождеству Твоему.

Истлевша преступлением, по Божью образу бывшего всего тления суща, лучшия отпадша Божественными жизни, паки обновляет Мудрый Содетель, яко прославися.

Видев Зиждитель гиблема человека, руками егоже созда, приклонив небеса, сходит. Сего же от Девы Божественными Чистыя, всего осуществляет, воистинну воплощся, яко прославися.

Слава: Мудрость, Слово и Сила, Сын сый Отчий и Сияние, Христос Бог, сил утаився, елико премирных, и елико на земли, и вочеловечься обновил есть нас, яко прославися.

И ныне: Мудрость, Слово... (Повторить предыдущий тропарь.)

Песнь 3

Ирмос: Прежде век от Отца рожденному нетленно Сыну, и в последняя от Девы воплощенному безсеменно, Христу Богу возопиим: вознесый рог наш, Свят еси Господи.

Иже дохновения причащся лучшаго, Адам перстный, и к тлению поползся женскою лестию, Христа от Жены видя, вопиет: Иже мене ради по мне быв, Свят еси Господи.

Сообразен брэнному умалению растворением Христе быв, и причастием плоти горшия, подав Божественнаго естества, землен быв, и пребыв Бог, и возвысивый рог наш, Свят еси Господи.

Слава: Вифлееме веселися, князей Иудовых сый Царь: Израиля бо пасый, на рамах Херувимских, из Тебе пройде Христос яве: и вознесый рог наш, над всеми воцарися.

И ныне: Вифлееме веселися... (Повторить предыдущий тропарь.)

Ипакои, глас 8-й

Начаток языков, небо Тебе принесе, лежащему Младенцу во яслех, звездою волхвы призывый, яже и ужасаше, не скипетры и престолы, но последняя нищета: что бо худше вертепа, что же смиреннее пелен? В нихже просия Божества Твоего богатство: Господи, слава Тебе.

Песнь 4

Ирмос: Жезл из корене Иессеова, и цвет от него Христе, от Девы прозябл еси, из горы хвальный приосененныя чащи, пришел еси воплощся от Неискусомужныя, Невещественный и Бже: слава силе Твоей, Господи.

Егоже древле прорече Иаков, языков ожидание Христэ, от колена Иудова возсиял еси, и силу Дамаскову, Самарийскую же корысть пришел еси испроврещи, леств пременяя в веру боголепну: слава силе Твоей, Господи.

Волхва древле Валаама словес ученики, мудрыя звездоблюстители, радости исполнил еси, звезда от Иакова возсияв Владыко, языков начаток вводимый, приял же еси яве: слава силе Твоей, Господи.

Слава: Яко на руно во чрево Девы шел еси дождь, Христэ, и яко капли на землю каплющия. Ефиопиа и Фарсис, и Аравийстии острови же, Сава, Мидов всю землю держащии, припадаша Тебе, Спасе: слава силе Твоей, Господи.

И ныне: Яко на руно... (Повторить предыдущий тропарь.)

Песнь 5

Ирмос: Бог сый мира, Отец щедрот, Великаго Совета

Твоего Ангела, мир подавающа, послал еси нам: тем Богоразумия к свету наставльшеся, от нощи утренююще, славословим Тя, Человеколюбче.

В рабех кесаревым повелением написатися покорься, и нас рабы сущия, врага и греха свободил еси, Христэ; весь же по нам обнищав, и перстнаго от самага единения и общения богосоделал еси. (Дважды.)

Слава: Се Дева, якоже древле рече, во чреве приемши, родила есть Бога вочеловечшася, и пребывает Дева. Еяже ради примирившеся

Богу грешнии, Богородицу сущую воистинну вернии воспоим.

И ныне: Се Дева... (Повторить предыдущий тропарь.)

Песнь 6

Ирмос: Из утробы Иону младенца изблева морской зверь, якова прият: в Деву же всельшеся Слово, и плоть приемшее, пройде сохраншее нетленну. Егоже бо не пострада истления, Рождшую сохрани неврежденну.

Прииде воплощься Христос Бог наш из чрева, Егоже Отец прежде денницы раждает: правления же держа пречистых сил, в яслех скотиях возлежит, и пеленами повивается, разрешает же многоплетенныя пленицы прегрешений. (Дважды.)

Слава: Юно из Адама Отроча смешения, родися Сын, и верным дадеся; будущего века сей есть Отец и Начальник, и нарицается Великаго Совета Ангел: Сей Крепок Бог есть, и держай областию всю тварь.

И ныне: Юно из Адама... (Повторить предыдущий тропарь.)

Кондак, глас 3-й

Дева днесь Пресущественнаго раждает, и земля вертеп Непреступному приносит. Ангели с пастырьми славословят, волсви же со звездою путешествуют: нас бо ради родися Отроча младо, Превечный Бог.

Икос

Едем Вифлеем отверзе, приидите видим, пищу в тайне обретохом: приидите, примем сущая райская внутри вертепа. Тамо явися корень ненапоен, прозябая отпущение: тамо обретеся кладязь неископан, из негоже Давид пити древле возжадася. Тамо Дева рождши Младенца, жажду устави абие Адамову и Давидову. Сего ради к Нему идем, где родися Отроча младо, Превечный Бог.

Песнь 7

Ирмос: Отроцы благочестию совоспитани, злочестиваго веления небрегше, огненного прещения не убояшася, но посреди пламене стояще пояху: отцев Бóже благословён еси́.

Пастырие свиряюще, ужасно светоявление получиша: слава бо Господня облиста их, и Ангел, воспойте, вопия: яко родися Христос, отцев Бог Благословенный.

Внезапу с словом Ангеловым небесныя воинства, слава, вопияху, Бóгу в вышних, на земли мир, в человецех благоволение: Христос возсия, отцев Бог Благословенный.

Слава: Глагол, что сей, рекоша, пастырие? Прешедше увидим бывшее, Божественнаго Христа, Вифлеема же дошедше, с Рождшею поклоняхуся, воспевающе, отцев Бóже, благословён еси́.

И ныне: Глагол, что сей... (Повторить предыдущий тропарь.)

Песнь 8

Ирмос: Чуда преестественнаго росодательная изобрази пещь образ, не бо яже прият палит юныя, яко ниже огонь Божества Дёвы, в Нюже вниде утробу. Тем воспевающе воспоем: да благословит тварь вся Гóспода и превозносит во вся веки.

Влечет вавилоня дщи отроки плененныя Давидовы от Сиона к себе, дароносцы же слет волхвы дети, Давидове Богоприятней Дщери молящияся. Тем воспевающе воспоем: да благословит тварь вся Гóспода, и превозносит во вся веки.

Органы уклониша плачевныя песни, не пояху бо в земли чуждей отроцы Сионовы: вавилонскую же разрешает лесть всю и мусикийския составы, в Вифлееме возсияв Христос.

Тем воспевающе воспоем: да благословит тварь вся Гóспода, и превозносит во вся веки.

Слава: Корысти Вавилон царства Сионя, и плененное богатство прият: сокровища же Христос в Сион сего, и цари звездою наставляя звездоблюстители влечет. Тем воспевающе воспоем: да благословит тварь вся Гóспода и превозносит во вся веки.

И ныне: Корысти Вавилон... (Повторить предыдущий тропарь.)

Песнь 9

Ирмос: Тайнство странное вижу и преславное; небо, вертеп; Престол Херувимский, Деву; ясли, вместилище, в нихже возлеже невместимый Христос Бог, Егóже воспевающе величаём.

Изрядное течение зряще волсви необычныя новыя звезды новосияющия, небеса просвещающия, Христа Царя знаменующия на земли рождшагося в Вифлееме на спасение наше.

Новорожденное, волхвом глаголющим, Отроча Царь, Егóже звезда яви, где есть? Тому бо поклонитися приидохом; яряся Ирод смущашеся, Христа убити, богоборец шатався.

Слава: Испыта Ирод время звезды, еяже вождением волсви в Вифлееме поклоняхуся Христу с дары; еюже ко отечеству наставляеми, лютаго детоубийцу оставиша поругана.

И ныне: Испыта Ирод... (Повторить предыдущий тропарь.)

Светилен

Посетил ны есть свыше Спас наш, Восток востоков, и сущии во тме и сени обретохом истину, ибо от Дёвы родися Господь.

Канон Обрезанию Господню

1 (14) января

Глас 2-й

Песнь 1

Ирмос: Грядите, людие, поим песнь Христу́ Бо́гу, разделяшему море и наставльшему люди, яже изведе из работы египетския, яко прославися.

Припев: Слава Тебѣ, Бо́же наш, сла́ва Тебѣ.

Осмерица дней, носящая образ будущего, Твоею Христе́ просвещается и освящается вольною нищетою; в сей бо законно обрезался еси́ плотию. (*Дважды.*)

Слава: Обрезание приемлет осмодневное Христос Своего́ Рождества, и сего днесь сень спрятает, свет возсиявая новыя благодати.

И ныне: Обрезание приемлет... (Повторить предыдущий тропарь.)

Песнь 3

Ирмос: Утверди нас в Тебѣ, Го́споди, древом умерщвлей грех и страх Твой всади в сердца нас, поющих Тя.

Сло́во воплощенное пресущественное, в престаие закона обрезася; начаток же Бо́жественныя благодати, и жизнь нетленныя нам подаде. (*Дважды.*)

Слава: Закона исполнитель, не яко сопротивен Бо́гу сый Христос воплотивыйся показася, и сподобися волею обрезатися осмодневен.

И ныне: Закона исполнитель... (Повторить предыдущий тропарь.)

Седален, глас 4-й

Яко сый бездна человеколюбия, одеялся еси́, Влады́ко, в зрак рабий и плотию обрезался еси́, даруя всем человеком великую Твою́ милость.

Песнь 4

Ирмос: Услышах, Го́споди, слух Твоего́ смотраения, и прославих Тя, Едине Человеколюбче.

Обрезание преста, отнележе Христос волею обрезася, язык множество спасая благодатию. (*Дважды.*)

Слава: Будущаго непрестанную осмаго века жизнь изображает, в нѣже Владыка обрезася плотию.

И ныне: Будущаго непрестанную... (Повторить предыдущий тропарь.)

Песнь 5

Ирмос: Света подателю, и веков Творче, Го́споди, во свете Твои́х повелений настави нас; разве бо Тебѣ иного́ Бо́га не знаем.

Ты от Дѣвы Ма́тере несказанно прошед, Го́споди, и в человеческий не сподобился еси́ одетися образ, яко младенец законно, закон исполнил еси́. (*Дважды.*)

Слава: Нощи уподобися, яко сень законную любящи Израиля, рождающая, из Неяже облиставший свет мира Христос явися.

И ныне: Нощи уподобися... (Повторить предыдущий тропарь.)

Песнь 6

Ирмос: Бездна мя многа греховная окружает, и вопию Ти, пророка подражая: от тли мя, Гбсподи, возведи.

Прият конец закон, отнележе Христос младенствовав, исполнитель закона сый, обрезание восприял, и разреши законную клятву. (*Дважды.*)

Слава: Субботство, обрезания же шатания еврейскаго, являшагося Христа мановением преста, и возсия благодати весна.

И ныне: Субботство, обрезания... (Повторить предыдущий тропарь.)

Кондак, глас 3-й

Всех Господь обрезание терпит, и человеческая прегрешения яко Благ обрезует, дает спасение днесь миру; радуется же в вышних и Создателев иерарх и светоносный Божественный таинник Христов Василий.

Песнь 7

Ирмос: Образу златому на поле Деире служиму, трие Твой отроцы небрегоша безбожнаго веления, посреде же огня ввержени, орошаеми пояху: благословен еси, Бже отец наших.

Светло и пресветло Рождество Христово, и будущего обновления подписавшее таинство днесь: яко законным чином Спас обрезуется, не яко Бог, но яко человек, и закона исполнение. (*Дважды.*)

Слава: Закон исполняя закона Творец, плотию днесь волею обрезуется, обрезание содеяв греховныя зимы, и звати даруя: благословен еси, Бже отец наших.

И ныне: Закон исполняя... (Повторить предыдущий тропарь.)

Песнь 8

Ирмос: Неизреченною мудростию составльшаго всяческа Бга Слова, и от не сущих во еже быти приведшаго, благословите дела яко Гбспода, и превозносите во вся веки.

Во осмый день обрезуется яко младенец

Владыка; Иисуса же приемлет именованье, яко мира есть Спас и Господь. (*Дважды.*)

Слава: Ко Христову Рождеству достойно осмый спряжеса, святителя всеславная память, юже почитающе верою, поем Гбспода и превозносим во веки.

И ныне: Ко Христову Рождеству... (Повторить предыдущий тропарь.)

Песнь 9

Ирмос: Яже прежде солнца светильника Бга возсиявшаго, плоти к нам пришедшаго из боку Девичу, неизреченно воплотившая, благословенная, Всечистая, Тя, Богорбдице, величаем.

Прешед пределы Христос человеческого всего естества, преестественно из Девы раждается; и писание законное, якоже повелевает, плотию обрезается, и исполнитель закона является. (*Дважды.*)

Слава: Приидите Владыки славная Христова именованья во святыни торжествуим:

Иисус бо боголепно наречеса днесь. С симиже и память святителя величаем.

И ныне: Приидите Владыки... (Повторить предыдущий тропарь.)

Светилен

Плотию обрезуется, закон исполнивый, яко младенец осмодневен, веков Зиждитель и пеленами повивается, яко человек: и млеко питается, иже вся безмерною крепостию, яко Бог содержи, и мановением возводи.

Канон Богоявлению (Крещению Господню)

6 (19) января

Глас 2-й

Песнь 1

Ирмос: Глубины открыл есть дно, и сушею Своя влечет, в ней покрыв противныя, крепкий во бранех Господь, яко прославися.

Привев: Слава, Господи, святому Богоявлению Твоему.

Адама истлевшаго обновляет струями Иорданскими, и змиев главы гнездящихся сокрушает Царь веков Господь, яко прославися. *(Дважды.)*

Слава: Огнем Божества невестественным в плоть вещественну одеаяся, Иорданскою облагается водою, воплощейся от Девы Господь, яко прославися.

И ныне: Скверну омываяй человеков, сим, очистишься во Иордане, имже восхотев уподобися, еже бе пребыв, сущия во тьме просвещаяй Господь, яко прославися.

Песнь 3

Ирмос: Крепость давая царем нашим Господь, и рог помазанных Своих возносяй, от Девы раждается, грядет же ко крещению. Тому вернии возопием: несть Свят, яко Бог наш.

Неплодная древле и безчадная люте, днесь веселися Христова Церковь: водою бо и Духом сынове тебе родишася, верою взывающе: несть Свят, якоже Бог наш. *(Дважды.)*

Слава: Велиим гласом в пустыни вопиет Предтеча: Христу уготовайте пути, и стези Богу нашему правы соделайте, верою взывающе: несть Свят, якоже Бог наш.

И ныне: Велиим гласом... (Повторить предыдущий тропарь.)

Ипакои, глас 5-й

Егда явлением Твоим просветил еси всяческая, тогда сланое неверия море побеже, и Иордан доле текий возвратися, к небеси возвышая нас: но высоту Божественных заповедей Твоих соблюди, Христэ Бже, молитвами Богородицы, и помилуй нас.

Песнь 4

Ирмос: Услышах, Господи, глас Твой, егоже рекл еси, глас вопиющего в пустыни, яко возгремел еси над водами многими, Твоему свидетельствуяй Сыну, весь быв сошедшаго Духа, возопи: Ты еси Христос, Божия Мудрость и Сила.

Очищаемо солнце кто виде, проповедник вопиет, пресветлое естеством? Да Тебе водами сияние славы, Отца образ Присносущнаго омыю, и сено сый огню прикоснуса Твоего Божества; Ты бо еси Христос, Божия Мудрость и Сила. *(Дважды.)*

Слава: Яви Божественное, еже име благоговение

Моисей, прилучився Тебе: яко бо из купины Ты возгласивша разуме, абие отврати лице; аз же како Ты увижу ясно? Или како руку положу на Тя? Ты бо еси Христос, Божия Мудрость и Сила.

И ныне: Душевное совершая мудре, и словом почтеный, бездушных стыждуся. Аще бо крещу Тя, клеветна ми есть огнем дымящаяся гора, побегшее же море на двое, и Иордан сей возвративыйся; Ты бо еси Христос, Божия Мудрость и Сила.

Песнь 5

Ирмос: Иисус живота начальник, разрешити осуждение грядет Адама первозданного, очищений же яко Бог не требуя, падшаго очищает во Иордане; в немже вражду убив, преимуществ всяк ум мир дарует.

Сшедшемся без числа людем от Иоанна креститися, сам посреде их ста, провозгласи же предстоящим: кто показа, непокоривии, гнева вам уклонитися хотящаго быти? Плоды достойны Христу сотворите, предстояй бо ныне мир дарует. (*Дважды.*)

Слава: Делатель и Зиждитель посреде стояй, яко Един всех сердца испытует; очистительную же лопату рукою прием, всемирное гумно всемудре разлучает, неплодие паля, благоплодным вечный живот дарует.

И ныне: Делатель и Зиждитель... (Повторить предыдущий тропарь.)

Песнь 6

Ирмос: Глас Слобесе, светильник Света, денница Солнца, Предтеча, в пустыни, покайтеся, всем вопиет людем, и предочиститесь: се бо предстоит Христос, от тли мир избавляяй.

Рождся нетленно от Боба и Отца, от Девы кроме скверны воплощается Христос: Ему же ремень, яже от нас слова сочтания, разрешити неудобь учит Предтеча, земнородныя от лести избавляя. (*Дважды.*)

Слава: Огнем крестит конечным Христос противныя, а не Боба мудрствующих Его; Духом же обновляет водою благодати, разумливья Божества Его, от прегрешений избавляя.

И ныне: Огнем крестит... (Повторить предыдущий тропарь.)

Кондак, глас 4-й

Явился еси днесь вселенней, и свет Твой, Господи, знаменая на нас, в разуме поющих Тя: пришел еси, и явился еси Свет Неприступный.

Икос

Галилеи язычестей, Завулонстей стране и Неффалимстей земли, якоже рече пророк, свет велик возсия Христос. Омраченным светла явися заря, из Вифлеема облистающая, паче же из Марии Господь, всей вселенней возсиявает лучи, Солнце Правды. Темже иже от Адама назии, приидите вси облечемся в Него, да согреемся; покрывает бо нагия и просвещает темныя. Пришел еси, и явился еси Свет Неприступный.

Песнь 7

Ирмос: Юноши благочестивыя, печи огненной приобщившиися, шумящ дух росный невредимы сохрани, и Божия Ангела низхождение. Темже в пламени орошаеми благодарственно воспеваху: препетый отцев, Господи и Боже, благословен еси.

Якоже на небеси с трепетом и чудом предстояху, во Иордане силы Ангельския, смотряюще толика Божия схождения: яко держай превышних вод состав, в водах Плотносец стояше, Бог отцев наших. (*Дважды.*)

Слава: Облак древле и море Божественнаго проображаху крещения чудо, в нихже древнии крестившася, исходяще законнии людие. Море же бе образ воды, и облак – Духа: имиже совершаеми, благословен еси, зовем, Господи Бже, во веки.

И ныне: Все вернии, в Немже совершение прияхом, богословяще немолчно со Ангелы, прославим Отца и Сына и Духа Святаго; се бо Троица Ипостасми Единосущная, Един же Бог, Емуже поем: благословен еси, Господи Бже, во веки.

Песнь 8

Ирмос: Тайну преславную Вавилонская показа пещь, источившая росу, яко струями имяше невещественный Огнь воспряти Иордан, и объяти плотию крещаемая Зиждителя; Егбже благословят людие и превозносят во вся веки.

Отложи страх весь, Избавитель Предтечи рече, Мне же повинися, яко Благому, Мне приступи, сие бо естеством бых. Моим повелением покорися, и крести Мя, сошедшаго, Егбже благословят людие и превозносят во вся веки. (*Дважды.*)

Слава: Глаголы, якоже услыша Креститель, Владычни, с трепетом длань простирает: обаче же рукою коснувся верху Зиждителя своего, Крещшемуся вопияше: освяти мя, Ты бо еси Бог мой, Егбже благословят людие и превозносят во вся веки.

И ныне: Троицы явление во Иордане бысть, Самое бо Пребожественное естество Отец возгласи: Сей крещаемый Сын возлюбленный Мой; Дух же прииде к подобному, Егбже благословят людие и превозносят во вся веки.

Песнь 9

Ирмос: Недоумеет всяк язык благохвалити по достоянию, изумевает же ум и премирный пети Тя, Богородице. Обаче Благая сущи, веру приими, ибо любовь веси Божественную нашу: Ты бо христиан еси Предстательница, Тя величаем.

Давиде, прииди духом к просвещенным, ныне приступите, пой к Богу верою, глаголя: просветитесь, сей нищий воззва Адам в падении; ибо того услыша Господь, пришед струями Иорданскими, тленнаго же обнови. . (*Дважды.*)

Слава: Исаиа, измыйтесь, очиститесь, глаголет, лукавствия пред Господом оставите, жаждущии на воду живу идите: кропит бо водою, обновляя Христос приступающия к Нему верою, и к животу нестареемому крещает Духом.

И ныне: Соблюдаемя благодатию вернии, и печатию: яко бо губителя бежаша, прага еврей древле окроставлена. Тако и нам исходное Божественное сие, пакибытия баня будет. Отсюда и Троицы узрим Свет незаходимый. Светилен Явился Спас благодать и истина во струях Иорданских, и сущия во тьме и сени спящия просветил есть: ибо прииде, явился Свет непреступный.

Канон Сретению Господню

2 (15) февраля

Глас 3-й

Песнь 1

Ирмос: Сушу глубородительную землю солнце нашествова иногда, яко стена бо огусте обаполь вода, людем пешомореходящим, и богоугодно поющим: поим Господеви, славно бо прославися.

Припев: Слава Тебѣ, Бѣже наш, слава Тебѣ.

Да каплют воду облацы, солнце бо на облаце легче носимо настало есть, на нетленную руку, Христос в церкви, яко младенец. Темже, вернии, возопиим: поим Господеви, славно бо прославися. (*Дважды.*)

Слава: Крепитесь руке Симеони старостию ослабленнии, лыста же претружденна старча, правобыстро движитися Христу на сретение, лик со безплотными составльше, поим Господеви, славно бо прославися.

И ныне: Разумом простертыя небеса веселитесь, и радуйся, земле: из пребожественных бо недр хитрец прошел Христос, Материю Девой Богу Отцу приносится Младенец, иже прежде всех: славно бо прославися.

Песнь 3

Ирмос: Утверждение на Тя надеющихся, утверди, Господи, церковь, юже стяжал еси честною Твоею крвию.

Перворожден из Отца прежде век, перворожден Младенец из Девы нетленная, Адаму руку стирая явися. (*Дважды.*)

Слава: Младоумна бывша прелестию первозданного паки исправляяй Бог Слово, младенствовав явися.

И ныне: Земли исчадие, паки потекшее в ню, Божества сообразное естество Зиждитель, яко непреложне, младенствовав яви.

Седален, глас 4-й

На горе Синайстей древле виде Моисей задняя Божия, и тонкий Божественным глас сподобися во мраце же и вихре слышати: ныне же

Симеон воплощеннаго Бога, непреложне нас ради на руки прият, и радостно тщашеся ити от сущих zde к животу вечному. Темже вопияше: ныне отпускаеши раба Твоего, Владыко.

Песнь 4

Ирмос: Покрыла есть небеса добродетель Твоя, Христѣ, из кивота бо прошел, святыни Твоя нетленная Матере, в храме славы Твоея явился еси, яко Младенец руконосим: и исполнишася вся Твоего хваления.

Радуйся, Симеоне, неизреченных таинниче, Богородица вопияше, о немже от Святаго древле известия тебе Духа, младенствовавшего вся твоего хваления. (*Дважды.*)

Слава: На негоже уповал еси, Симеоне, возраст детищный радуяся подыми Христа, Израиля божественнаго утешение, закона Творца и Владыку, исполняющаго закона чин, зовый Ему: исполнишася вся Твоего хваления.

И ныне: Видя Симеон слово Безначальное, с плотию яко на престоле херувимстем Дёвою носимо, виновнаго еже быти всяческих, яко младенцу дивяся вопияше Ему: исполнишася вся Твоего хваления.

Песнь 5

Ирмос: Яко виде Исаиа образно на престоле превознесена Бóга, от ангел славы дориносима, о окаянный, вопияше аз: провидех бо воплощаема Бóга, Света не вечерня, и миром владычествующа.

Разумев божественный старец проявленную древле пророку славу, руками Слово зря Матерними держимо: о, радуйся, вопияше, Чистая, яко престол бо держиши Бóга, Света не вечерняго, и миром владычествующа. *(Дважды.)*

Слава: Поклонься старец, и стопам Бóже ственне прикоснувся неискусобрачныя и Богоматере: огонь, рече, носиши Чистая, Младенца боюся объяти Бóга, Света не вечерняго, и миром владычествующа.

И ныне: Очищается Исаиа от Серафима уголь прием, старец вопияше Богоматери: Ты якоже клещами руками просвещаеши мя, подавши Егóже носиши, Света не вечерняго, и миром владычествующа.

Песнь 6

Ирмос: Возопи к Тебё виде старец очима спасёние, еже людям прииде от Бóга Христё, Ты Бог мой.

Сиону Ты камень возложил еси, непокоривым претыкание, и соблазна камень: нерушимое верных спасёние. *(Дважды.)*

Слава: Известне нося начертание, иже прежде век Тя израстившаго, земных за милосердие ныне немощию обложися.

И ныне: Сыну Вышняго, Сыну Дёвы, Бóгу отрочати бывшему, поклоншася Тебё, ныне отпусти с миром.

Кондак, глас 1-й

Утробу Девичу освятивый рождеством Твоим, и руце Симеоне благословивый, якоже подобаше, предварив, и ныне спасл еси нас, Христё Бóже: но умири во бранех жительство и укрепил люди, ихже возлюбил еси, Едине Человеколюбец.

Икос

К Богородице притецем, хотяши Сына Ея видети, к Симеону носима, Егóже с небесе безплотнии видяще, дивляхуся глаголюще: чудная зрим ныне и преславная, непостижимая, несказанная. Иже бо Адама создавый, носится яко младенец: Невместимый вмещается на руках старчих: иже в недрах неописанных Сый Отца Своего, волею описуется плотию, а не Божеством, един Человеколюбец.

Песнь 7

Ирмос: Тебё во огни оросившаго отроки богословившия, и в Деву нетленну всельшагося, Бóга Слово поим, благочестно поюще: благословён Бог отец наших.

Адаму известити хотяю иду, во аде живушу, и Еве принести благовестие, Симеон вопияше, со пророки ликуя: благословён Бог отец наших. *(Дважды.)*

Слава: Рода земна избавляяй Бог, даже до ада приидет: пленным же подаст всем оставление, и прозрение слепым, яко и немым вопити: благословен Бог отец наших.

И ныне: И Твое сердце, Нетленная, оружие пройдет, Симеон Богородице провозгласи, на кресте зрящи Твоего Сына, Ему же вопием: благословен Бог отец наших.

Песнь 8

Ирмос: Нестерпимому огню соединившеся, благочестия предстояще юноши, пламенем же невреждени, Божественную песнь пояху: благословите вся дела Господня Господа, и превозносите во вся веки.

Людие Израилевы, Твою славу Еммануила, зряще Отроча из Девы, пред лицом Божественного ковчега ныне ликуйте: благословите вся дела Господня Господа, и превозносите во вся веки. *(Дважды.)*

Слава: Се Симеон вопияше, пререкаемое знамение Сей будет, Бог сый и отроча. Сему вернии возопиим: благословите вся дела Господня

Господа, и превозносите во вся веки.

И ныне: Живот сый, Сей будет падение непокоривым, младенствовав Бог Слово, яко востание всем верую поющим: благословите вся дела Господня Господа, и превозносите во вся веки.

Песнь 9

Ирмос: В законе сени и писаний образ видим вернии: всяк мужеский пол, ложесна разверзая, свят Богу. Тем Первороденное Слово Отца Безначальна, Сына Первородящая Материю неискусомужно, величаем.

Иже древним новорожденных горлицищ супруг, двоице же быше птенцев, в нихже место божественный старец, и целомудренная Анна пророчица, от Девы рожденному, и Сыну Единородному Отцу, в церковь приносиму, служат величающе. *(Дважды.)*

Слава: Воздал еси мне, вопияше Симеон, спасения Твоего, Христэ, радование, восприими

Твоего служителя сению претруженнаго, новая благодати священнопроповедника тайнаго, во хвалении величающа.

И ныне: Священнолетно исповедашеся Анна прорицающи, целомудренная и преподобная, и старица Владыце, в церкви явственна: Богородицу же проповедающе всем сущим величаше.

Светилен

Духом во святилище представ старец на руки восприят закона Владыку, вопия: ныне союз мя плотских разреши, якоже рекл еси, с миром: видех бо очима откровение языков, и Израилю спасе.

Канон Входу Господню в Иерусалим

Воскресенье перед Пасхой (Вербное)

Глас 4-й

Песнь 1

Ирмос: Явишася источницы бездны, влаги непричастны, и открывшася моря волнуемая основания бурей: манием бо запретил еси ему, изрядныя же люди спасл еси, поющия победную песнь Тебе, Господи.

Припев: Слава Тебе, Боже наш, слава Тебе.

Из уст младенец незлобивых, и ссуших, хвалу Твоих раб совершил еси, разрушити супостата, и отмстити страстию Креста, падение древняго Адама, древом же воскресити сего, поюща победную песнь Тебе, Господи. (*Дважды.*)

Слава: Хваление Церковь преподобных, живущему в Сионе, Тебе, Христе, приносит: Израиль же о Тебе, Творце своем, радуется: и горы языцы противоположны каменосердечнии, от лица Твоего возвеселишася, поюще победную песнь Тебе, Господи.

И ныне: Хваление Церковь... (Повторить предыдущий тропарь.)

Песнь 3

Ирмос: Точащий красекомый повелением Твоим, твердый ссаша камень израильтестии людие. Камень же Ты еси, Христе, и Жизнь, на Немже утвердися Церковь зовущая: осанна, благословен еси Грядый.

Мертвеца четверодневна повелением Твоим, из мертвых с трепетом ад испусти Лазаря. Воскресение бо Ты, Христе, и Жизнь, в Немже утвердися Церковь зовущи: осанна, благословен еси Грядый. (*Дважды.*)

Слава: Воспойте людие боголепно в Сионе, и молитву воздадите Христу во Иерусалиме.

Сам грядет во славе со властью, в Немже утвердися Церковь зовущи: осанна, благословен еси Грядый.

И ныне: Воспойте, людие... (Повторить предыдущий тропарь.)

Ипакои, глас 6-й

С ветвми воспевше прежде, с дресвы последи яша Христа Бога неблагодарнии иудее. Мы же верою непреложною присно почитающе яко Благодетеля, всегда возопиим Ему: благословен еси, Грядый Адама воззвати.

Песнь 4

Ирмос: Христос грядый явственнo Бог наш, придет и не закоснит, от горы приосененныя чащи, Отроковицы раждающия неискусомужныя, пророк древле глаголет. Темже вси вопием: слава силе Твоей, Господи.

Да точат веселие крепкое мастительное горы, и вси холми, и древа дубравная да възглаголют: Христа хвалите языцы, и Тому вси людие радующеся возопийте: слава силе Твоей, Господи. (*Дважды.*)

Слава: Крепостию веки царствуяй Господь, облечен придет, Сего красоты и славы, несравненно есть благолепие в Сионе. Темже вси вопием: слава силе Твоей, Господи.

И ныне: Пядию измеривый небо, дланию же землю, Господь, прииде: Сион бо избра, в немже жити и царствовати изволи, и возлюби люди, верно вопиющия: слава силе Твоей, Господи.

Песнь 5

Ирмос: На гору Сион взыди благовествуяй, и Иерусалиму проповедуяй, в крепости вознеси глас: преславная глаголашася о тебе, граде Божий. Мир на Израиля, и спасение языком.

В вышних седяй на Херувимех Бог, и призираяй на смиренная, Той грядет во славе со областью, и исполнятся всяческая Божественными хвалы Его. Мир на Израиля, и спасение языком. *(Дважды.)*

Слава: Сионе Божий, горо святая, и Иерусалиме, окрест очи твои возведи, и виждь собранная чада твоя в тебе: се бо приидоша издалеча, поклонитися Царю твоему. Мир на Израиля, и спасение языком.

И ныне: Сионе Божий... *(Повторить предыдущий тропарь.)*

Песнь 6

Ирмос: Возопиша с веселием праведных души: ныне мирови Завет Новый завещается, и кроплением да обновятся людие Божия Крове.

Приими, Израилю, Божие Царство, и пребываяй во тьме, свет да узрит великий, и кроплением да обновятся людие Божия Крове. *(Дважды.)*

Слава: Разрешены своя юзники Сионе испусти и от рова неведения безводна изведи, и да обновятся людие кроплением Божественными Крове.

И ныне: Разрешены своя... *(Повторить предыдущий тропарь.)*

Кондак, глас 6-й

На престоле на небеси, на жребяти на земли носимый, Христэ Боже, от Ангел хваление и детей воспевание приял еси зовущих Ти: благословен еси, Грядый Адама воззвати.

Икос

Понеже ада связал еси, Безсмертне, и смерть умертвил еси, и мир воскресил еси, с ваиами младенцы восхваляху Тя, Христэ, яко Победителя, зовуще Ти днесь: осанна Сыну Давидову. Не кому бо, рече, заклани будут младенцы, за Младенца Мариина: но за вся младенцы и старцы, Един распинаешися. Не кому на нас вместится меч, Твоя бо ребра прободутся копием. Темже радующеся глаголем: благословен, Грядый Адама воззвати.

Песнь 7

Ирмос: Спасый во огни Авраамския Твоя отроки, и халдеи убив, яже правда праведно уловляху, препетый Господи Боже отец наших, благословен еси.

Поклоняющеся людие, и со ученики радующеся, с ваием, осанна Сыну Давидову зовяху, препетый Господи Боже отец, благословен еси. *(Дважды.)*

Слава: Неискусозлобное множество, еще младенствующее естество, боголепно Тя, Царю Израилев и Ангельский, воспет: препетый Господи Боже отец, благословен еси.

И ныне: С ваием Тя Христэ, ветвьми похваляху множества: благословен пришедый Царь веков. Вопияху же: препетый Господи Боже отец, благословен еси.

Песнь 8

Ирмос: Веселися, Иерусалиме, торжествуйте, любящие Сиона: царствуй бо во веки Господь сил прииде, да благоговеет вся земля от Лица Его, и да вопиет: благословите вся дела Господня Господа.

На жребя младо всед Царь твой Сионе, предста Христос: безсловесное бо идольское прельщение разрушити, и неудержанное стремление уставити всех язык прииде, во еже пети: вся дела пойте Господа. (*Дважды.*)

Слава: Радуйся, Сионе, зело: Бог твой воцарися во веки Христос. Сей, якоже писано есть, кроткий и спасающий, праведный Избавитель наш, прииде на жребяти, конское свирепство убити врагов, не вопиющих: благословите вся дела Господня Господа.

И ныне: Оскудевает Божественных ограждений, законопреступное сонмище непокоривых, понеже дом молитвы Божия, вертеп сотвориша разбойнически, от сердца Избавителя отринувше, Ему же вопием: благословите вся дела Господня Господа.

Песнь 9

Ирмос: Бог Господь, и явися нам, составите праздник, и веселящиеся приидите, возвеличим Христа, с ваиями и ветвми, песнями зовуще: благословен Грядый во имя Господа Спаса нашего. Языцы, вскую шатаетесь? Писменницы и священницы, почто тщетным поучитесь, рекше: кто Сей, Ему же дети с ваием и ветвми, песнями зовут: благословен Грядый во имя Господа Спаса нашего. (*Дважды.*)

Слава: Сей Бог наш, Ему же никтоже подобен, праведный всяк путь изобрет, даде возлюбленному Израилю: по сих же с человеки поживе явлься. Благословен Грядый во имя Господа Спаса нашего.

И ныне: Соблазны стези, что близ вас положите непокоривии? Ноги ваша скоры кровь излияти Владычню. Но воскреснет всяко спасти зовущия: благословен Грядый во имя Господа Спаса нашего.

Канон в Неделю Святой Пасхи

Глас 1-й

Песнь 1

Ирмос: Воскресения день, просветимся, людие: Пасха, Господня Пасха! От смерти бо к жизни и от земли к небеси, Христос Бог нас преведе, победную поющая.

Припев: **Христос воскрес из мертвых.**

Очистим чувства, и узрим неприступным светом Воскресения, Христа блистающая, и радуйтесь, рекуща, ясно да услышим, победную поюще.

Небеса убо достойно да веселятся, земля же да радуется, да празднует же мир, видимый же весь и невидимый, Христос бо воста, веселие вечное.

Иный канон, Богородичен, подобен.

Слава: Умерщвления предел сломила еси, вечную жизнь рождающая Христа, из гроба возсиявшего днесь, Дево Всенепорочная, и мир просветившаго.

И ныне: Воскресшаго видевши Сына Твоего и Бога, радуйся со апостолы, Богоблагодатная Чистая: и еже радуйся первее, яко всех радости вина, восприяла еси, Богомати Всенепорочная.

Песнь 3

Ирмос: Приидите, пиво прием новое, не от камене неплодна чудодеемое, но нетления источник, из гроба одождивша Христа, в Немже утверждаемся.

Ныне вся исполнишася света, небо же и земля и преисподняя: да празднует убо вся тварь востание Христова, в немже утверждается.

Вчера спогребохся Тебе, Христе, совостаю днесь воскресшу Тебе, сраспинахся Тебе вчера, Сам мя спрослави, Спасе, во Царствии Твоем.

Слава: На нетленную жизнь прихожду днесь благостию рождаемого из Тебе, Чистая, и всем концем свет облиставшаго.

И ныне: Бога, Егже родила еси плотию, из мертвых, якоже рече, воставша видевши, Чистая, ликуй, и Сего яко Бога, Пречистая, возвеличай.

Ипакои, глас 4-й

Предварившия утро яже о Марии, и обретшия камень отвален от гроба, слышаху от Ангела: во свете присносущем Сущаго, с мертвыми что ищите яко человека? Видите гробныя пелены, тещыте и миру проповедите, яко воста Господь, умертвивый смерть, яко есть Сын Бога, спасающаго род человеческий.

Песнь 4

Ирмос: На Божественней стражи, богоглаголивый Аввакум да станет с нами и покажет светоносна Ангела, ясно глаголюща: днесь спасение миру, яко воскрес Христос, яко Всесилен.

Мужеский убо пол, яко разверзый Девственную утробу, явися Христос, яко человек же, Агнец наречеса, непорочен же, яко невкусен скверны, наша Пасха, и, яко Бог истинен, совершен речеса.

Яко единоклетный агнец, благословенный нам венец Христос, волею за всех заклан бысть, Пасха чистительная, и паки из гроба красное правды нам возсия Солнце.

Богоотец убо Давид пред санным ковчегом скакаше играя, людие же Божии святии, образов событие зряще, веселимся Божественно, яко воскрес Христос, яко Всесилен.

Слава: Создавый Адама Твоего праотца, Чистая, зиждется от Тебе, и смертное жилище разори Своею смертию днесь, и озари вся Божественными блистаньями Воскресения.

Конец ознакомительного фрагмента.

Текст предоставлен ООО «ЛитРес».

Прочитайте эту книгу целиком, [купив полную легальную версию](#) на ЛитРес.

Безопасно оплатить книгу можно банковской картой Visa, MasterCard, Maestro, со счета мобильного телефона, с платежного терминала, в салоне МТС или Связной, через PayPal, WebMoney, Яндекс.Деньги, QIWI Кошелек, бонусными картами или другим удобным Вам способом.